



Tre generazioni di furlans a Toronto

Chel cûr furlan che al bat in Canada

Il Canada al è un dai Paîs plui leâts al Friûl parcè che par tradizion al è stât tiere di emigrazion furlane in Americhe dal Nord, massime dopo de Seconde Vuere mondiâl.

Par contâ lis storiis professionâls e personâls dai tancj furlans che a àn vivût in Canada e a àn contribuît al disvilup socioeconomic di chel Paîs, cence dismenteâ lis lôr lidrîs, la Cjamare di Cumierç di Udin e à publicât 'Friulians in Canada', di **Sara Rolfe Prodan**, prodot in coedizion cun Forum Editrice Universitaria Udinese e cul patrocini de Region, e realizât cul contribuît de Bancje populâr di Cividât, che

al sarà presentât miercus ai 25 di Fevrâr a Toronto. Chest volum al è un omaç a cui che al à scugnût o al à savût olsâ, al à lassât il Friûl e al è rivât a costruîsi une vie di sucès, sigûr no facile, ma simpri positive.



Primo Di Luca

SEGNÂL DI MERIT

Segnâl di merit pes personis, sigûr, ma ancje pal Paîs che ur à dât bon acet. "Chest libri - al à dit **Primo Di Luca**, consul onorari dal Canada in Friûl - al fevele di lavoradôrs, imprenditôrs, artesans, leader politics e al conte i agns dificii di cui che nol à vude pôre di partî, cence istruzion, cence cognossi la lenghe. La vo-

Il libri, prodot de Cjamare di Cumierç di Udin e de Forum editrice universitaria udinese, al conte dai tancj che a àn vivût tal Paîs nordmaericano, cence mai dismenteasi des lôr lidrîs.

» DI CHRISTIAN ROMANINI

lontât, però e jere grandonone e chest al è ce che al à rindudis pusibilis tantis storiis positivis".

Il volum al fâs omaç, traviert di une schirie di storiis e biografis une vore simbolichis, il leam Friûl-Canada e duçj chei furlans emigrâts tal grant Paîs nordamericano che li a son rivâts a fâ une impresse e a fâsi un avignî, cun impegn e talent, rivant a otignî risultâts di grant sucès.

STORIIS DI VUÊ

Storiis nancje tant distantis di chês di vuê, stant che il Consolât canadès, che al à sede propit li de Cjamare di Cumierç, al è diventât pont di riferiment no dome pes impresis interessadis a inviâ o consolidâ la lôr posizion in Canada, ma ancje pai privâts. Il Consolât, difat, al à viodût a cressi lis domandis di bande dal public, massime in mert aes oportunitâts di vore di bande di zovins e neolaureât, ma ancje di professioniscj tant che avocats, miedis, inzegnîrs. "Il consolât al ricêf une medie di dîs telefonadis in dì e une desene di visitis par setemane - al sclaris Di Luca - e al à plui di mil e 600 mail di domandis diferentis, de normâl ativitât consolâr ai contats cu lis aziendis par cirî gnovis oportunitâts professionâls".



ilfriuli@ilfriuli.it

CALIGRAFIE

Gnûf cors dal Scriptorium



A lscomece martars ai 17 di Fevrâr des 8 fin 10 di sere il gnûf cors di caligrafie de associazion Scriptorium Foroiulense. Lis lezions a laran indevant ogni martars e joibe cul stes orari par 4 setemanis fin ae prove finâl dai 12 di Març. I aspirants scrituriscj a podaran cognossi lis tecnichis di scritture, cemût che si costruisin i penâi, cemût che si spice la plume di ocje, cemût che si realize l'ingjstri doprant une ricete medievâl, cemût che si realizin lis miniaturis doprant la fuee di aur.

E je previodude ancje une visite li dal Opificium librorum, il museu realizât tal cjistiel di Ruvigne, dulà che i arlêfs a provaran a realizâ la cjarte fate a man. Pal cost, il modul di iscrizion e ogni altre informazion, cui che al è interessât al pues scrivi une email a marketing@scriptoriumforoiulense.it.

SCOLTADIS DI DRIUS

Il campanel

Le me femine e rive a capî s'o torni a cjase bevût nome sintint el sunâ dal campanel.



radio
fantasy
fm

www.radiofantasy.it

UDINE | VENETO ORIENTALE FM 90.700
PORDENONE FM 95.800

GORIZIA FM 89.100
TRIESTE FM 89.100

PAULARO FM 107.700
TOLMEZZO FM 101.600

la radio tra la gente

SMS: 393 00 90700
diretta@radiofantasy.it
TEL. +39 0431 30022